


TEZAU LITURGIC
7 AUGUST

ACATISTUL
SF. CUVIOS
PIMEN I
DE LA
PECERSKA



MOSCOVA, 2000



Акафист

преподобному Пимену

Многоблезненному

Кондак 1

Избранный уго́днице Христо́в Пимене,
Боле́зни терпе́вый ра́ди Бо́жия и́мене,
Бу́ди нам в печа́лех утеше́ние,
Да возно́сим ти си́е хвале́ние:
Ра́дуйся, Пимене, скорбе́й стяжа́телю,
Христа́ во́льной стра́сти подража́телю.

Икос 1

Ангелов Творе́ц избра́ тя любе́зно:
Измла́да бысть отме́чен ты боле́зною.
Но не возропта́ на злу́ю до́лю,
Не уничижи́ Госпо́дню во́лю.
Мы терпе́ния сего́ не постига́ем
И тебе́ умильно воспева́ем:

Ра́дуйся, Христо́в избра́нниче;
ра́дуйся, в сем ми́ре странниче.

Ра́дуйся, возрасти́вший терпе́ние;
ра́дуйся, им стяжа́вший спасе́ние.

Ра́дуйся, мы́сль постра́дати восприя́вший;
ра́дуйся, собла́знов ми́ра избежа́вший.

Ра́дуйся, роди́телей утеше́ние;
ра́дуйся, грехо́в их отпу́щение.

Ра́дуйся, Пи́мене, скорбе́й стяжа́телю,
Христа́ во́льной стра́сти подража́телю.

Кондак 2

Ви́дяще твое ко Господу стремление,
Родители исполниста благое хотение.

К славным стена́м Киевской обители

Приидо́ста милости просители,

Чаю́ще дитяти исцеления.

Ты же Богу возносил еси хваления:

Аллилу́йя.

Икос 2

Ра́зуму постигнуть есть не можно,
Как иска ты Господа неложно.

И нача́ святых отцев молити,
Дабы ти в монастыри́ пребыти.

Мы же, чтя желание святое,
Пение приносим таковое:

Ра́дуйся, монахов чтителю;
раду́йся, Христа любителю.

Раду́йся, презревший суету;
раду́йся, избравший нищету.

Раду́йся, болезнью искушенный;
раду́йся, скорбьми́ не побежденный.

Раду́йся, иский болезни продления;
раду́йся, обрётший духа укрепление.

Ра́дуйся, Пимене, скорбей стяжателю,
Христа́ вольной страсти подражателю.

Кондак 3

Сила Вышняго явися благодатию,
Удостоив тебе ангельскаго чина восприятия.
И монахи, слышавше Безплотных пение,
В келлию твою внидоша с удивлением,
Видевше тя облеченным в мантию,
Вопиюща своему Создателю:
Аллилуйя.

Икос 3

Тщася соблюсти завет евангельский,
Ты приял еси, блаженне, постриг ангельский.
Паче разумения, власы твоя
Обретошася во гробе Феодосия.
Мы же зряще таинство непостижимое,
Вопием угоднику любимому:
Радуйся, честный угодниче;
радуйся, небесных сродниче.
Радуйся, причтенный к братии;

раду́йся, хвало́ Создателя.

Раду́йся, от Ангелов служи́мый;

раду́йся, обе́те неру́шимый.

Раду́йся, яко́ проше́ние улу́чил еси́;

раду́йся, яко́ себе́ Христу́ вру́чил еси́.

Ра́ду́йся, Пи́мене, скорбе́й стяжа́телю,

Христа́ во́льной стра́сти подража́телю.

Кондак 4

Бу́рю претерпел еси́ ты, отче, искуше́ний,

Хлад и глад, и множество лише́ний.

Не́ции бо от нерадивой бра́тии

Многа́жды забы́ша хлеб пода́ть тебе́.

Ты же, укреплен быв благода́тию,

Выну́ возноша́ше песнь Создате́лю:

Аллилу́йя.

Икос 4

Ви́дети твое́ безгневное терпе́ние

Все́м мона́хом бы́сть во уди́вление,

Яко всякому болящему не мощно

Пребывати на молении всенощно.

Мы же утомляемся и легкими трудами,

Посему взываем грешными устами:

Ра́дуйся, терпевший тесноту;

радуйся, избравший нищету.

Радуйся, любимче мудрости;

радуйся, жилище кротости.

Радуйся, прощаяй небрежение;

радуйся, любви преумножение.

Радуйся, страданья ни во что вменивший;

радуйся, Творца за вся благодаривший.

Ра́дуйся, Пíмене, скорбей стяжателью,

Христá вольной страсти подражателью.

Кондак 5

Сотвори́вый боготéчныя любвé деяния,

Был еси ты достоин дара врачевания.

И расслабленнаго сотворил еси ходити,

Повелев ему всем немощным служить.

Той же, видя чудо изцеления,

Господеву вознесé благодарение:

Аллилу́йя.

Икос 5

Ви́дяще о данном слове небрежение,

Паки возврати Господь монаху неможение.

Ты же, Пимене, простив его злонравие,

Умоли Христа вернуть больному здравие,

Той бо сотвори живое покаяние,

Приими же наше кроткое воззвание:

Ра́дуйся, любви источниче;

радуйся, Христов угодниче.

Радуйся, больных целителю;

радуйся, их вразумителю.

Радуйся, учащий милосердию;

радуйся, врачу жестокосердия.

Радуйся, ко истине наставляяй;

раду́йся, разслабленны́х исцеля́й.

Ра́дуйся, Пи́мене, скорбе́й стяжа́телю,
Христа́ во́льной стра́сти подража́телю.

Кондак 6

Вре́мя жизни сконча́вая в тяго́те и бедствии,
Ты сподобис́я уведати́ свой день отшества́.

Прежде́ три дни мирнаго успения́
Здрав ты бысть по Божию́ смотре́нию.

Приобщивши́сь Таинства́ святаго,
Восхва́лил еси́ ты Бога́ всеблагаго:
Аллилу́йя.

Икос 6

Воссия́вший чудно́ подви́гами воздержания́,
Ты явил еси́ монахом образ подражания́.

И во храме́, в час последня́го прощения́,
Ты глаго́ла кротко́ слово́ утешения́.

Ублажа́я ны́не дивно́е смире́ние,
Мы поси́льное тебе́ возносим песнопение́:

Ра́дуйся, оплоте верности;
ра́дуйся, не ведый лености.

Ра́дуйся, страстей губителю;
ра́дуйся, Безплотных зрителю.

Ра́дуйся, яко уведе день отшествия;
ра́дуйся, стяжавший бисер благочестия.

Ра́дуйся, яко обрел еси кончину непостыдную;
ра́дуйся, имущий совесть безобидную.

Ра́дуйся, Пíмене, скорбей стяжателю,
Хри́ста во́льной стра́сти подража́телю.

Кондак 7

Преи́ти хотяще, отче, во обители иныя,
Отречеся сердцем всякой суеты земныя.

Преподобному Антонию воздавше поклонение,
Ты отнесл еси свой гроб на место погребения.

Ви́дяще ко праведнику милость таковую,
Мнози от монахов возопиша: Аллилу́йя.

Икос 7

Но́вое Господь яви благоволение,
Егда знаменьями твое украси преставление.

Ибо три столпы огня явишася
И на купол церкви опустишася.

Мы же зряще знаменье превелие,
Воспеваем песнь тебе с веселием:

Ра́дуйся, пучино кротости;
раду́йся, жилище святости.

Раду́йся, скорбей любителю;
раду́йся, бесов воителю.

Раду́йся, имущий дар прозрения;
раду́йся, надеждо изцеления.

Раду́йся, всю волю Господу вручивший;
раду́йся, грехов прощенье получивший.

Ра́дуйся, Пíмене, скорбей стяжателью,
Хри́ста вольной страсти подражателью.

Кондак 8

Бо́г, являя странно чудо Своей милости,
Удостои тебе, отче, дара прозорливости.
Ты бо прорече о двух почивших иноках,
Яко схима не обрящется на схимнике,
А несхимник погребенный будет в ней лежать,
Верующе бо, о сем не прекраца взывать:
Аллилу́йя.

Икос 8

В ни́жних пребывая, Пимене, сый в телеси́,
Николиже вышних отступи на небеси.
И, терпя страдания телесная,
Возрастил еси в души́ плоды полезныя.
Призри же твоим благоволением
На поющих ти со умилением:
Ра́дуйся, чудес явителю;
радуйся, благих ревнителю.
Радуйся, терпевший немощи;

раду́йся, боля́щим по́моще.

Раду́йся, пороков обли́чителю;

раду́йся, святаго жития учи́телю.

Раду́йся, имевший дар предвѣ́дения;

раду́йся, сосуде Боговѣ́дения.

Ра́дуйся, Пíмене, скорбѣ́й стяжа́телю,

Христа́ во́льной стра́сти подража́телю.

Кондак 9

А́нгельское естество тебе дивíтся, Пимене,

Пасты́рь сый по духу и по имени,

Яко пребывая в брeннем телесí,

Царство Божие внутри обрел еси.

Мы же, видя вы́шнее к тебе благоволение,

Го́сподеви воздадим благодарение:

Аллилу́йя.

Икос 9

Ветíи многовещáнные не могут изъяснить,

Како мощно есть сей подвиг совершить.

Но Господню слову веруя неложно,
Вемы, яко у Творца вся суть возможна.
И тебе, стяжавшему в молитве благодать,
Не престанем, отче, умиленно воспевать:
Ра́дуйся, луче́ прозрения;
раду́йся, ключо́ смирения.
Раду́йся, грехов борителю;
раду́йся, добра учителю.
Раду́йся, своего рода искупление;
раду́йся, недугов тяжких исцеление.
Раду́йся, упасший множество овец;
раду́йся, елею каменных сердец.
Ра́дуйся, Пíмене, скорбей стяжа́телю,
Христа́ во́льной стра́сти подража́телю.

Кондак 10

Спасти́ся ча́юще от бури треволнения,
Дости́же ты брего́в упокоения,
Недугом угасил еси огонь сладострастия

И потреби́л еси́ вся помы́слы лукавствия.
Скорбьми́ души́ спасения́ взыскуя,
Воспел еси́ ты Богу: Аллилу́йя.

Икос 10

Стена́ Христо́с есть́ всем, живу́щим в Бо́жьем страхе.

Кого́ себе́ творим, лежа́щие во пра́хе?

В немощи́ Господня́ сила совершается,

Ибо ум телесной скорбию смиряется.

Мы в твоём недуге видим Божие смотрение

И тебе приносим сицевое пение:

Радуйся, не знавший здравия;

радуйся, врачу́ злона́врия.

Радуйся, боря́й уны́ние;

радуйся, терпе́нья ски́ние.

Радуйся, гряды́й вратами́ тесными́;

радуйся, избравши́й скорбь́ телесную́.

Радуйся, желавши́й вы́ну обрести́ Христа́;

раду́йся, не отверги́йся своего креста.
Ра́дуйся, Пи́мене, скорбе́й стяжа́телю,
Христа́ во́льной стра́сти подража́телю.

Кондак 11

Ка́ко, отче, пение поем тебе достойное,
Ум имуще суетен и сердце неспокойное?
Токмо уповая на твое незлобие,
Мы дерзнухом твоему стужа́ти преподобию.
Ты же не лиши нас своего призрения,
Возсылая Господу хваления:
Аллилу́йя.

Икос 11

Свет свещи́, поставленной на свещнике,
У́зрят вкупе чистыя и грешники.
Тако житие твое боголюбезное
Брашно есть души многополезное,
Яко велие приносит утешение,
Подвизающе на сицевое пение:

Ра́дуйся, отрадо в немощи;
раду́йся, недужным помоще.

Раду́йся, свеще спасения;
раду́йся, уздо́ смирения.

Раду́йся, подъявший крест страдания во плоти;
раду́йся, на нем распявший блудодейство
похоти.

Раду́йся, явивший веру несумненную;
раду́йся, искателю сокровища нетленного.

Ра́дуйся, Пíмене, скорбей стяжа́телю,
Христа́ во́льной стра́сти подража́телю.

Кондак 12

Благода́ть приял еси ты, отче, изобильно,
И пред Господом твое ходатайство есть сильно.

Помози же нам, угодниче, молением,
Яко да недуги понесем с благодарением,
Поминающе, яко они суть врачевание.

Да исправится, яко кадило, нищих воздыхание:

Аллилу́йя.

Икос 12

Пою́ще твое, Пимене, земное странствие,
Вемы, яко не лишимся славы твоея причастия.

Ибо дивен во святых Своих Господь,
Теплым их предстательством спасает всяку
плоть.

Ныне твою память недостойно совершаем

И хвалу тебе по силе нашей возглашаем:

Ра́дуйся, честный угодниче;
радуйся, Безплотных сродниче.

Радуйся, небесный жителю;
радуйся, Христа служителю.

Радуйся, терпевший искушения;
радуйся, изживший прегрешения.

Радуйся, возшедый в радость вечную;
радуйся, узревший славу бесконечную.

Ра́дуйся, Пíмене, скорбей стяжателю,

Христа́ во́льной стра́сти подража́телю.

Кондак 13

О пречу́дный уго́днице Христов, Пимене,

Приими сию хвалу от нашего имене.

И моли о нас Владыку всеблага́го,

Да проба́вит время жития земна́го,

Яко да возрасти́м плоды смирения,

Вы́ну вознося́ Ему благодарение:

Аллилу́йя.

Сей конда́к глаго́лется три́жды.

И па́ки чте́тся 1-й и́кос и 1-й конда́к

Молитва

О пречу́дный уго́днице Христо́в Пíмене!

Бу́ди ми́лостив нам, соверша́ющим па́мять твою́.

Мы, плотские, не можем духо́вного ра́зум
позна́ть,

Как для плóти возмо́жно себе́ же болéзни
желáть?

Как же нам презира́ть своенра́вную ду́шу свою́,

Дабы только ко Господу мысли и чувства
направить?

Помоги нам не нас, а Христа в этой жизни
прославить,

Помоги нам себя хоть немного поменьше
любить,

Помоги не для похоти, а для духовного жить.

Мы и терпим, стелая, и мучаемся поневоле,

Ропотливы, прегорды, яд аспидов на устах,

Многохлопотные в своих мелких, бесплодных
делах,

Не снося ни упрёка, ни неудобства, ни боли.

Горе нам, фарисеям, исполненным зла и
неправды!

Участь плёвел готовится нам после ангельской
жатвы.

Но без страха или рассужденья шагаем мы в
печь...

Помоги же нам, отче, огонь холодной веры
возжечь!

Удели нам хоть толику пламенной к Богу любви,

Да́й за́быть о ми́нута́х во и́мя Небе́снаго
Ца́рства,

Угаси́ своим сто́ном живу́щий в нас го́лос
лука́вства,

Ти́хим сло́вом блужда́ющих нас за собо́й позови́.

Дабы́ нам, недосто́йным, приня́вшим недуг
благодáрно,

Не прожита́ э́тих дней посе́щения тще́тно,
безда́рно,

Да вмени́тся терпе́нье скорбе́й па́че вся́ких
святы́нь.

Помога́й же нам, Пимене, со
Присноде́вой! Ами́нь.

